

天机馀锦 (二)

题〔明〕程敏政 编

王兆鹏 黄文吉

童向飞 校点

辽宁教育出版社

新世纪万有文库
新世纪



天机馀锦卷之三目录

生查子
江城梅花引
桂枝香
氏州第一
高阳台
绮罗香
长相思
征招
华胥引
暗香
汉宫春
春霁 秋霁
宝鼎现
崔徽头子
霜天晓角
雨霖铃
摘红英
玉团儿
阮郎归
一萼红

婆罗门引
宴清都
如梦令
解连环
齐天乐
醉落魄
解语花
西河
减字木兰花
疏帘淡月
三台
六么令
天仙子
三奠子
苏幕遮
新荷叶
更漏子
忆秦娥
清商怨

青门引
踏莎行
湘月
最高楼
台城路
巫山一段云
长亭怨
醉太平
尉迟杯
凤凰台上忆吹箫
西平乐
疏影
画堂春
忆王孙
殿前欢
醉花边
丑奴儿
谒金门
风光好

天机馀锦卷之三

程敏政编

生查子

易安^①

年年玉镜台，梅蕊宫妆困。今岁未还家，怕见江南信。
欢从别后疏，泪向愁中尽^②。遥想楚云深，人远天涯近。S₁₄₀₅

又

[欧阳修]

去年元夜时，花市灯如昼。月到柳梢头，人约黄昏后。
今年元夜时，月与灯依旧。不见去年人，泪满春衫袖。S₁₂₄

又

[张孝祥]

眉黛远山长，新柳开青眼。楼阁断霞明，罗幕春寒浅。
杯嫌玉漏催，烛厌金刀剪。月色忽飞来，花影和帘卷。S₁₇₁₂

又

牛希济

春山烟欲收，天澹星稀小。残月脸边明，别泪临清晓。
语多情更深，回首犹重道。记得绿罗裙，处处怜芳草。T₆₁₈

又元夕戏陈敬叟

[刘克庄]

繁灯夺霁华。戏鼓侵明发。物色旧时同，情味中年别。
浅画镜中眉，深拜楼西月。人散市声收，渐入愁时节。S₂₆₁₂

又

彭元逊

痴多故恼人，妆晚翻嫌趣。只为眼波长，嗔笑娇难触。
春心不肯深，春睡何曾足。莫待柳花飞，飞去无拘束。S₃₃₁₆

又

晏叔原

金鞍美少年，去跃青骢马。牵系玉楼人^③，翠被春寒夜。
消息未归来，寒食梨花谢。无处说相思，背面秋千下。S₂₂₈

又

[欧阳修]

含愁整翠鬟，得意频相顾。雁柱十三弦，一一春莺语。 娇
云容易飞，梦断知何处。深院锁黄昏，阵阵芭蕉雨。S₁₂₄

又

瞿佑

东风何处来，满地梨花谢。燕子不知愁，并立秋千架。 无
人独倚栏，胆小多惊怕。兜上凤头鞋，坠下鲛绡帕。M₁₂₀₅

又

谁家玉笛声，吹落关山月。一曲小梅花，几处问呜咽。 惊
鸿嘹泪飞，怨鹤凄凉别。烛暗夜香销，正是愁时节。

又咏手

秋叶未脱红，春笋初抽绿。落尽凤仙花，不染纤纤玉。 闲
挥麈尾尘，笑剥鸡头肉。行过小荷池，戏把清泉掬。

又

天边有去鸿，波内无来鲤。十二曲阑干，镇日愁相倚。 闲
调绿绮琴，闷写红笺纸。爱杀太平钱，心在团圆里。

又钗头凤

月窥窗色明，风撼帘声重。正是夜长时，拆损钗头凤。 魂
随香篆消，泪共寒衾拥。惟有小屏山，不隔相思梦。

又梅为侣咏腊梅

天生一种花，色染蔷薇露。风韵不争多，好与梅为侣。 顿
向暖窗边，频有清香度。引得蜜蜂儿，日日来还去。

又立黄昏

春光飞燕来，人以骖鸾去。翠阁与纱窗，总是思量处。 独

立自黄昏，谁念愁如许。相伴有梅花，点点啼寒雨。

又后堂春

后堂春未深，绿髻云争袅。娇态百般宜，花也饶伊好。杯持笋指纤，歌发樱唇小。不怕夜寒浓，只怕东窗晓。

婆罗门引望月

元遗山

素蟾散彩，九秋风露发清妍。嫦娥尽有情缘。留着三五盈盈，永夜照凭肩。看晚妆临镜，若个婵娟。寻常月圆。恨都向、此时偏。几度邮亭枕上，野店尊前。珠明玉秀，算一日、相看一日仙。人共月、长似今年。Y₈₈

又七月望，西湖舟观水灯，二鼓归宴杨山居山楼达曙^①

张仲举

暮天映碧，玻璃十顷蕊珠宫。金波拥出芙蓉。谁唤川妃微步，一色夜妆红。看光阴星汉，起舞鱼龙。月华正中。画船漾，藕花风。声度鸾箫缥缈，雁柱玲珑。酒阑兴极，更移上、琼楼十二重。残醉醒、烟水连空。Y₁₀₁₅

又七夕

瞿佑

鹊桥驾就，银河如练月如钩。梧桐方始惊秋。夜静西风频起，露叶响萧飕。问天孙河鼓，底事迟留。新恨旧愁。尽都付、水东流。何况唐宫私语，汉殿闲游。穿针乞巧，漏声断、华筵尚未收。人正在、十二红楼。

青 门 引

张子野

乍暖还轻冷。风雨晚来方定。庭轩寂寞近清明，残花中酒，
又是去年病。 楼头画角风吹醒。入夜重门静。那堪更被明
月，隔墙送过秋千影。S₈₃

江城梅花引

[程垓]

娟娟霜月冷侵门。怕黄昏。又黄昏。手捻一枝，犹自对芳
樽。酒又不禁花又恼，漏声远，一更更，总断魂。 断魂。断魂。
不堪闻。被半温。香半薰。睡也，睡不稳、谁与温存。惟有床
前、银烛照啼痕。一夜为花憔悴损，人瘦也，比梅花，瘦几分。
S₁₉₉₁

又梅花

瞿佑

东风吹醒向南枝。雪为姿。玉为肌。比似去年，觉道瘦些
儿。笑又不成愁又恼^⑤，香浮动，影横斜，果为谁。 梦回。梦
回。夜深时。蝶未飞。蜂未知。把酒把酒，问明月、少慰相思。
分付枝间、翠鸟莫惊疑。明月易低人易醉，东方晓，恨师雄，不解
诗。

又九日杏梅同开，汪国才折以请赋

张仲举

玉儿睡起帕蒙头^⑥。更娇柔。见郎羞。缟袂仙人，一笑艳
明眸。粉瘦红愁春梦断，画栏畔，对西风，忆旧游。 忆君恨君
思悠悠。怕凄凉，不耐秋。艳绝韵绝香更绝，特地风流。宜与云

鬟，双插倚妆楼。月又渐低霜渐冷，花似雪，满苍苔，总是愁。

Y₁₀₁₅

又^⑦

贺方回^⑧

年年江上探寒梅。暗香来。为谁开^⑨。疑是月宫、仙子下瑶台。冷艳一枝春在手，故人远，相思寄与谁。恨极怨极嗔玉蕊。念此时，家万里。暮霞散绮。楚天碧、几片轻飞。为我多情，特地点征衣。花易飘零人易老，正心碎，那堪塞管吹。S₂₆₂

宴 清 都

周美成

地僻无钟鼓。残灯灭，夜长人倦难度。寒吹断梗，听暗雨，洒窗敲户。宾鸿漫说传书，算过尽、千俦万侣。始信得、庾信愁多，江淹恨极须赋。凄凉病损文园，徽弦乍拂，音韵先苦。淮水夜月，金城暮草，梦魂飞去。秋霜半入清镜，叹带眼、都移旧处。更久长、不见文君，归时认否。S₆₀₄

又春恨

何籀

细草沿阶软。红日薄，蕙风轻霭微暖。东君靳惜，桃英尚小，柳芽犹短。罗帏绣幕高卷。早已是、歌慵笑懒。凭画楼，那更天远水远，人远。堪怨。傅粉疏狂，窃香俊雅，无计拘管。青丝绊马，红裙欢酒，甚处迷恋。无言泪珠零乱。翠袖尽、重重渍遍。故要得、别后啼痕，归时观看。S₉₁₅

又中秋

倦倚胡床坐。征帆卸，一篷初饭烟火。东山月出，中江斗落，水天平妥。神仙只在人间。算未必、风流似我。漫不省，赤壁何年，自击尊破。空明。四顾无人，良时美景，如此虚过。元规雅兴，文箫巧遇，两情谁可。功名又有何好，总不是、西施一舸。到夜深、露气清寒，依然独卧。

踏 莎 行

欧阳永叔

候馆梅残，溪桥柳细。草芳风暖摇征辔。离愁渐远渐无穷，迢迢不断如春水。寸寸柔肠，盈盈粉泪。楼高莫近危栏倚。平芜尽处是春山，行人更在春山外。S₁₂₃

又

[寇准]

春色将阑，莺声渐老。红英落尽青梅小。画堂人静雨濛濛，屏山半掩馀香袅。密约沉沉，离情杳杳^⑩。菱花尘满慵将照。倚楼无语欲魂销，长空黯黯连芳草。S₃

又

[秦观]

雾失楼台，月迷津渡。桃源望断无寻处。可堪孤馆闭春寒，杜鹃声里斜阳暮。驿寄梅花，鱼传尺素。砌成此恨无重数。郴江幸自绕郴山^⑪，为谁流下潇湘去。S₄₆₀

又

[黄庭坚]

临水天桃，倚墙繁李。长杨风棹青骢尾。坐中有酒可酬春，更寻何处无愁地。明日重来，落花如绮。芭蕉渐着山公启。欲笺心事寄天公，教人长寿花前醉。S₃₈₈

又

[晏殊]

小径红稀，芳郊绿遍。高台树色阴阴见。春风不解禁杨花，濛濛乱扑行人面。翠叶藏莺，朱帘隔燕。炉香静逐游丝转。一场愁梦酒醒时，斜阳却照深深院。S₉₉

又

[徐俯]

玉露团花，金风破雾。高台上接晴空去。举杯且属看前山，烟中乱叠青无数。皓齿明眸，肌香体素。恼人正在秋波注。因何欲雨又还晴，歌声遏得行云住。S₇₄₃

又甲午重九牛山作

刘后村

日月跳丸，光阴脱兔。登临不用深怀古。向来吹帽插花人，尽随残照西风去。老矣征衫，飘然客路。炊烟三两人家住。欲携斗酒答秋光，山深无觅黄花处。S₂₆₃₉

又早春

张炎叔夏

柳未三眠，花才一信。谁人步履吹笙径。可曾中酒似年时，如今却似看花病。老愿春迟，愁嫌昼静。秋千院落寒犹剩。

卷帘休问海棠开，相传燕子归来近。S₃₄₉₃

又卢仝啜茶手卷

[张炎]

青润厓深，斜阳木末。松风泉溜声相答。光浮碗面啜先春，
何须美酒吴姬压。头上乌纱，鬓边白发。数间破屋从芜没。
山中有此玉川人，相思一夜梅花发。S₃₅₀₃

又忆旧

元遗山

微步生尘，残妆晕酒。朱门如海空回首。东风正有去年华，
柔条去作谁家柳。细雨春寒，青灯夜久。孤衾未暖还分手。
梦中见也不多时，怎生望得长相守。Y₉₄

又王蓑隐五香图，作圆象墨，写梅兰水仙山矾
瑞香五品，盘屈折枝于其中，胡明善有“月上
影娥池，人在众香国”一联，今予为易玄赋之

张伯雨

玉镜台前，看花如雾。交柯接叶无重数。春园约住柳丝圈，
月明染下方诸露。庐阜神游，湘皋微步。玉奴老去羞樊素。
韩郎解比影娥池，倩谁摘出香奁句。Y₉₁₃

又

曾舜卿

风烧催春，月明欺昼。凤城才是冬时候。娇娥低顾画楼边，
游人缓步华灯后。吹彻玉箫，滴残银漏。更阑渐觉寒生袖。
而今多病没心情，旧房深处君之否^①。

又秋夜

瞿佑

凉露园林，西风台榭。蒲萄落尽惟空架。数行烛泪画屏秋，一方月色中庭夜。蛩韵凄清，萤光高下。畏寒牢裹吴绫帕。木犀花底立多时，待他后院烧香罢。M₁₂₀₅

桂枝香 赏桂杨氏山园，夜饮花下有作

张仲举

天香万斛。尽贮入魏台，辟寒金粟。谁唤仙娥睡起，露妆烟沐。翠云裙袖黄云袜，倚秋风、乍惊郎目。恨无明月，高烧蜡炬，分荫丛绿。深照见、凉禽并宿。爱摇滟琼杯，花影堪掬。寸梦丝缘旧约^④，尚堪重续。何时卜隐西湖上，葺绡荷、芳杜为屋。小山人远，招魂不来，漫歌遗曲。Y₁₀₀₉

又题写韵轩

[詹玉]

紫薇花露，潇洒作凉云，点商勾羽。字字飞仙，下笔一帘风雨。江亭月观如今许^④。叹飘零、墨香千古。夕阳芳草，落花流水，依然南浦。甚两两、凌风驾虎。恁天孙标致，月娥眉妩。一笑生春，那学世间儿女。笔床砚滴曾窥处，有西山、青眼如故。素笺寄与，玉箫声彻，凤鸣鸾舞。S₃₃₄₉

又和詹天游就访

曾隶^⑤

晓天凉露。天上玉箫吹，风声如羽。金阙高寒，闲却一庭梅雨。漫漫八表尘埃梦，把文章^⑥、洗空千古。精神一似、风裳水佩，兰皋衡浦。看万里、跳龙跃虎。甚花娇英气，剑清尘妩。

憔悴江南，应念小窗贫女。朱楼十二春无际，倚苍寒、青袖如故。
茶香酒熟，月明风细，试教歌舞。S₃₃₂₉

又送叶宾月东归

张炎叔夏

晴江迥阔。又客里天涯，还叹轻别。万里潮生一棹，柳丝犹
结。荷衣好向山中补，共飘零、几年霜雪。赋归何晚，依依径菊，
弄香时节。料此去、清游未歇。引一片秋声，都付吟筐。落叶
长安，古意对人休说。相思只在相留处，有孤芳、可怜空折。旧
怀难写，山阳怨笛，夜凉吹月。S₃₄₈₃

又金陵怀古

王介甫

登临送目。正故国晚秋，天气初肃。潇洒澄江似练，翠峰如
簇。征帆去棹残阳里，背西风、酒旗斜矗。彩舟云淡，星河鹭起，
图画难足。念自昔、豪华竞逐。怅门外楼头，悲恨相续。千古
凭高，对此漫嗟荣辱。六朝旧事随流水，但寒烟、衰草凝绿。至
今商女，时时尚歌，后庭遗曲。S₂₀₄

又过吴江遇风

瞿佑

龙骧万斛。挂席起怒涛，惊浪相续。惟恨西风太紧，去程频
促。天吴紫凤纷颠倒，对斜阳、乍惊心目。冯夷前导，灵胥后殿，
驰骤秋录。似转动、天关地轴。尽深谷为陵，高岸为谷。方倍
桑田，沧海等闲翻覆。也知造物多深意，向长途、聊慰穷独。叩
舷歌唱，清斯濯纓，浊斯浊足。

如 梦 令

[秦观]

楼外残阳红满。春入柳条将半。桃李不禁风，回首落英无限^⑦。肠断。肠断。人共楚天俱远。S₄₆₂

又

[秦观]

池上春归何处。满目残花飞絮。孤馆悄无人，梦断月堤归路。无绪。无绪。帘外五更风雨。S₄₆₃

又

[李清照]

昨夜雨疏风骤。浓睡不消残酒。试问卷帘人，却道海棠依旧。知否。知否。应是绿肥红瘦。S₉₂₇

又 春景

[曹组]

门外绿阴千顷。两两黄鹂相应。睡起不胜情，行到碧桐金井。人静。人静。风弄一枝花影。S₈₀₁

又

[宋无名氏]

莺嘴啄花红溜。燕尾点波绿皱。指冷玉笙寒。吹彻小梅春透。依旧。依旧。人与绿杨俱瘦。S₃₇₃₇

又

[李清照]

常记溪亭日暮。沉醉不知归路。兴尽欲回舟，误入藕花深处。争渡。争渡。惊起一行鸥鹭。S₉₂₇

又

[谢逸]

花落莺啼春暮。陌上绿杨飞絮。金鸭晚香寒，人在洞房深处。无语。无语。叶上数声疏雨。S₆₄₆

又

[秦观]

遥夜沉沉如水。风紧驿亭深闭。梦破鼠窥灯，霜送晓寒侵被。无寐。无寐。门外马嘶人起。S₄₆₂

又

[宋无名氏]

落日霞消一缕。素月棱棱微吐。何处夜归人，呕哑几声柔橹。归去。归去。家在烟波深处。S₃₆₆₀

又

[苏轼]

为向东坡传语。人在雪堂深处。别后有谁来，雪压小桥无路。归去。归去。江上一犁春雨。S₃₁₁

又

[李存勖]

曾宴桃源深洞。一曲舞鸾歌凤。长记欲别时，和泪出门相送。如梦。如梦。残月落花相重。T₃₂₀

又

彭元逊

今夜故人独宿。小雨梨花当屋。犹有未残枝，轻脆不堪人触。休触。休触。憔悴怕惊郎目。S₃₃₁₅

又

[姚云文]

昨夜家人凭酒。隔着罗衾厮守。听彻五更钟，陡觉寒飞霜逗。却又。却又。陪笑倩人温手。S₃₃₇₈

又

[刘景翔]

独立荷汀烟暮。一霎锦云香雨。似为我无情，惊起鸳鸯飞去。飞去。飞去。却在绿杨深处。S₃₅₆₃

又

张仲举

月比二年前好。人比二年前老。今夕又鲸川，但欠酒杯倾倒。闻道。闻道。三径渐荒秋草。Y₁₀₂₃

又山中逃热三首

张伯雨

湖外残钟未了。过岭樵夫恁早。大吠又人行，推枕北窗清晓。清晓。清晓。劳动数声啼鸟。Y₉₁₅

又

[张雨]

绿锦峰峦似绣。曲折一渠水溜。中有养痾人，敲枕北窗清昼。清昼。清昼。蝴蝶还知梦否。Y₉₁₅

又

[张雨]

静默两家茅舍。特地月明狼藉。不管候虫吟，高枕北窗清夜。清夜。清夜。凉似樊川水榭。Y₉₁₅

湘月 余载书往来山阴道中，每以事夺，不能尽兴。

一日与王中仙、徐绝壁曳舟溪上^⑩，山空水寒，古意萧飒。中仙有诗佳丽，绝壁画晋雪图亦清。

余述此词，盖姜白石念奴娇指声也。

张叔夏^⑪

行行且止。把乾坤收入，篷窗深里。星散白鸥三四点，数笔秋塘清意。岸觜冲波，篙根受叶，野径通村市。疏风迎面，湿衣元是空翠。堪叹敲雪门荒，争棋墅冷，苦竹吟山鬼。纵使如今犹有晋，无复清幽如此。落日沙平，远天云淡，弄影芦花外。几时归去，剪取一半烟水。S₃₄₇₆